


638

Ա-18

ԱԶԵՈՒԿՏՐԵՍ

ԱԳՐՈԿԱՆՈՆՆԵՐ
1938 ԹՎԱԿԱՆԻՆ ՁԵՐԱՄԻ ՎՈՐԴԵՐԸ
ԿԵՐԱԿՐԵԼՈՒ ՀԱՄԱՐ



Ա. ԶԵՐՆԵՇՐ
Բազմ. — 1938 թ.

633

-7 JAN 2013

4-18

Թարգմանեց՝ Հ. Ս աղ ու մ յ ա ն
 Թարգմ. խմբագրեց՝ Ա. Առաքելյան
 Ցեխ՝ խմբ. Մ. Ս. Ախունդով
 Սրբագրեց՝ Դավթյան

Istehsalata verilmiş 26/III-38.
 Capa imzalanmış 4/VI-38.
 Cap listi 1. Kağız formatı 82×110¹/₃₂.
 Bir cap listində getmiş hvrufat 67.840.
 Baş Mətbuat Mədirliyi Məvəkilliyi № 1553.
 Azərnəşr № 26419.
 Tiraz 3.000. Sifariş № 397.

Azərnəşr mətbəəsində basıldı, 26-lar adına „Kitab Sarajı“, Bakı,
 Əli Bəyramov küçəsi.

24 SEP 2010

638.2

ԳԱՐՆԱՆԱՅԻՆ ԿԵՐԱԿՐՈՒՄ ՆԱԽԱՊԱՏՐԱԾՏՈՒԹՅՈՒՆ ՎՈՐԴԵՐԻ ԿԵՐԱԿՐՄԱՆ ՀԱՄԱՐ

Մինչև վորդերի կերակրումն սկսվելը՝ դարակներին համար ձեռք բերել հետեվյալ նյութերը և նախապատրաստել կերակրելու համար հատկացվող շենքերը:

1. Աշնանը և ձմռանը, մինչև մարտ ամիսը, յեղեգ պատրաստել և չաթաններ հյուսել դարակներին վրա փռելու համար, այլ և սեփական միջոցով պատրաստած նյութեր՝ դարակներին համար այն հաշվով, վորպեսզի 25 գրամանոց մի տուփ շերամի սերմին վորդերի 5-րդ հասակում տարածությունը 40 քառակուսի մետրից պակաս չլինի:

Սեփական միջոցներից դարակները պատրաստել փայտանյութից և վրան փռել հյուսովի յեղեգ (չաթան) մեկ մետրից փոչ պակաս լայնությամբ: Այն շրջաններում, վորտեղ չկա յեղեգ, դարակների վրա փռել ուռենու կամ այլ ծառի (փոչ պտղատու) ճյուղերից պատրաստած լաստեր:

2. Գարնանը, մարտ ամսում, հատկացնել վորդերի կերակրման համար անհրաժեշտ շենքեր—առաջին յերեք հասակների համար բնակելի տներ, 4-րդ և 5-րդ հասակների համար յեղեգնյա շերամատներ, ախոռներ և ծայրահեղ դեպքում՝ չարդախներ:

3. Կերակրելու համար առանձնացված շենքերում և նրանց շուրջը կատարել ուշադիր մաքրում, մանավանդ այնտեղ, ուր հատակը հողից է՝ ծեփել ու հարթել: Մըջուռները դեմ պայքարելու համար շերամատների բոլոր անցքերը սվաղել, բոլոր դարակների վնասները փաթաթել մագուլթի մեջ թաթախած լաթեր, կամ մոխիր ածել վնասների շուրջը:

Մկների դեմ պայքարելու համար հարկավոր է բոլոր ծակերը լցնել քարերով և փշրած ապակով ու լավ սվաղել: Հետադայում հետեվել, վորպեզսի մկներ և առնետներ չմտնեն և նրանց յերեվալու դեպքում դիմել հրահանգչին:

4. Վորդերի կերակրման համար հատկացված շենքերն սպիտակեցնել չհանդցրած կրով: Շերամատների հողե հատակներն անպայման ծեփել ավազի հետ խառնելով:

Կերակրելուց հետո իսկույն ախտահանում կատարել ֆորմալինով, մանավանդ այնտեղ, վորտեղ հիվանդություններ են նկատվել:

ԾԱՆՈԹՈՒԹՅՈՒՆ—Ախտահանումը և պայքար կրծողների դեմ-անպայման կատարել հրահանգչի մասնակցությամբ:

5. Խնվեռատը, դարակները, կողովները և չաթանները լվանալ տաք մոխրաջրով և չորացնել արեվի տակ:

Այնտեղ, ուր ստանդարտային դարակները չեն բաժանակցանում, պատրաստել և տեղավորել սեփական միջոցներով պատրաստած յերկու և յերեք հարկանի դարակներ, ընդվորում ստեղծների լայնությունը չպետք է մեկ մետրից պակաս լինի:

Այն գյուղերում, վորտեղ վերջին հասակում վորդերը կերակրվում են չարդախների վրա, պատրաս-

տել մի հարկանի ցածր դարակներ, բայց 20—25 սանտիմետրից վոչ պակաս, առանց վորոնց վորդերի կերակրումը չարդախների վրա արգելվում է:

ՎՈՐԴԵՐԻ ԿԵՐԱԿՐՈՒՄԸ

1. Վորդերի կերակրման համար շերամի սերմը կամ արթնացած թրթուրներն ստանալ բացառապես շրջատաքսից: Արգելվում է սերմի արթնացումը և վորդերի կերակրումը՝ ուրիշ տեղից ձեռք բերված սերմից կամ սեփական պատրաստած սերմից:

ԾԱՆՈԹՈՒԹՅՈՒՆ—Արգելված սերմից վորդերի կերակրումը հայտնաբերելու դեպքում վորդերն անհապաղ վոչնչացվում են և շերամապահները պատասխանավորվում են յենթարկվում (տես կոնտրակտացիոն պայմանագրի 4-րդ կետը):

2. 25 գրամանոց մի տուփ սերմի կերակրման դեպքում վորդերը տեղավորելու համար պահանջվում է հետեվյալ տարածությունը.

Առաջին հասակում	2,5	քառ.	մետր
Յերկրորդ հասակում	5,0	"	"
Յերրորդ հասակում	10,0	"	"
Չորրորդ հասակում	25,0	"	"
Հինգերորդ հասակում	40,0	"	մետրից
վոչ պակաս:			

3. Առաջին յերեք հասակներում կերակրումն անպայման կատարել հիմնական տներում, իսկ վերջին՝ 4-րդ և 5-րդ հասակներում թույլատրվում է կերակրել թեթեվ տիպի շերամատներում (յեղեգ ախոռներ և չարդախներ):

Ախոռներում կերակրելիս ախոռների դռները պահել բաց և մուտքերը վարագուրել նոսր հյուսած յեղեգնյա չաթաններով:

Հեռնային շրջաններում, վորտեղ շատ անձրեւներ են տեղում, արգելվում է վորդերի կերակրումն ախտոներում: Բացառութիւն թույլատրվում է հատուկ ձեւով կառուցված կոլտնտեսային անասնոցների և նախորոք չորացած և լավ ոգափոխած ախտոների համար:

4. Բոլի մերձակա գոտու կոլտնտեսութիւններում (Աղդաշի, Սամուխի, Ջարդոբի և Բարդայի շրջաններ), այնտեղ, ուր շերամատները գտնվում են անտառում, վորդանոցների մի մասն անջատել առաջին յերեք հասակների համար, պատերը յերկու կողմերից սփաղել (դրսից ու ներսից) և վառարաններ դնել նորմալ շերմաստիճան պահպանելու համար:

5. Նախալեռնային շրջաններում, ուր նկատվում են շերմաստիճանի խիստ տատանումներ (Ի.Լ.Ղ.Մ.Վուտկաշեն, Վարդաշեն և այլն) թեթեւ տիպի վորդանոցների պատերը կավով սփաղել՝ շենքերը տաքացնելու համար:

6. Չորրորդ հասակում վորդերը դուրս բերել թեթեւ տիպի վորդանոցները՝ քնից հետո յերկրորդ որը, իսկ ցուրտ յեղանակներին՝ 3-4-րդ որը:

7. Շենքերի շերմաստիճանն առաջին 3 հասակներում պետք է լինի 22 աստիճան, իսկ 4-րդ և 5-րդ հասակների համար՝ 21 աստիճան:

8. Շերամատներն որական 5-6 անգամ ոգափոխել 2 անգամից վոչ պակաս, թաց ավով ավել:

9. Չարգախների վրա կերակրելիս 5-6 տեղ կղմինդրը հանել, վորպեսզի որվա ընթացքում ողը բավականաչափ մուտք գործի, ըստ վորում հանած կղմինդրների տեղերը որվա ընթացքում պետք է փոխել, վորպեսզի արեւի ճառագայթները չնկնեն վորդերի վրա: Գիշերը և անձրեւի ժամանակ կղմինդրները դնել իրենց տեղը:

10. Առաջին և յերկրորդ հասակում վորդերին տալ կտրտած տերեւ, յերրորդ հասակում՝ ամբողջական տերեւ և մանր շյուղեր տերեւներով, իսկ չորրորդ և հինգերորդ հասակներում տալ ճյուղերով, կերակրման քանակը հասցնելով որական վոչ պակաս քան, առաջին հասակի համար, 8 անգամ փոքրիկ բաժիններով, 2-րդ և 3-րդ հասակի համար՝ 7-8 անգամ, 4-րդ և 5-րդ հասակների համար՝ 6-7 անգամ՝ ավելացնելով բաժինները:

Վորդերի կերակրումը կատարել գիշեր-ցերեկ, ըստ վորում գիշերը կեր տալ մի անգամից վոչ պակաս:

11. Տերեւները պետք է տալ այնպիսի չափով, վորպեսզի վորդերը լիովին ուտեն և չմնան վորպես փոռ:

12. Կերը պետք է լինի թարմ և վոչ թաց: Վորդերին չի կարելի տալ փոշոտ, կեղտոտ տերեւ:

Տերեւի հավաքումը պետք է կատարել առավոտյան և յերեկոյան՝ արեւային կողմից:

Մինչև տերեւը քաղելը, առավոտյան վորդերին կերակրելու համար պետք է ունենալ տերեւի պաշար: Տերեւը և ճյուղերը պիտի տանել շերամատուն վորդերին տալուց կես ժամ առաջ:

Շյուղերով կերակրելիս շյուղերը վորդերին տալ քաղելու մոմենտից յերկու ժամ անց:

Ամպամած որերին տերեւը կարելի յե քաղել ամբողջ որվա ընթացքում:

Անձրեւի ժամանակ պետք է ունենալ տերեւի մի որվա պաշար:

Անընդհատ անձրեւների դեպքում քաղած թաց տերեւը չորացնել միջանցահովում, ճյուղերը գլխիվայր կախելով պարանից:

Գյուղական փոշոտ ճանապարհների մոտ գտնվող ճառերի տերեւներն ոգտագործել առաջին հերթին:



5-րդ հասակում այդ ծառերի տերևներն ոգտագործելու դեպքում տերևները լվանալ հոսող մաքուր ջրի մեջ, լվանալուց հետո թափ տալ և չորացնել միջանայանովում:

13. Տերեք պահելու համար պետք է պատրաստել զեռնափոր տներ: Գաղած տերեք թափել չաթանների կամ թախտերի վրա բարակ շերտով և հաճախակի խառնել, վորպեսզի չթառամի: Գաղած ճյուղերը պահել կանգնած, փաթրիկ կապոցներով:

14. Փոսի փոխումն առաջին յերեք հասակներում կատարել ծակոտիկ թղթերով (սյոմնիկ) ամեն հասակում մի անգամ, 4-րդ հասակում փոսի փոխումը կատարել հասակի 4-րդ ուրը և քնից առաջ. 5-րդ հասակում 3 անգամ, յերկու անգամ հասակի ընթացքում և մեկ անգամ՝ բոժոժ հյուսելուց առաջ:

Անձրևոտ և ամպամած յեղանակներին փոսքը փոխել ավելի հաճախակի, թույլ չտալով, վորպեսզի առաջ գա բորբոսում: Փոսի մեջ վորդեր չթողնել:

15. Վորդերին քնի ժամանակ չի կարելի անհանգըստացնել, քնից արթնացած վորդերին պետք է փոխադրել ազատ տեղ և անպայման կերակրել:

Արթնացած վորդերին վերջին հասակներում վերջնիկ թթենու վոստերով և փոխադրել վաղորոք պատրաստած ազատ տեղեր:

16. Թույլ չտալ, վորպեսզի վորդերը դարակներից ընկնեն հատակին, ընկնելու դեպքում իսկույն հավաքել նրանց և դնել դարակների վրա:

17. Կերակրման ժամանակ հավերին չթողնել շերեմատուն:

18. Կերակրման ժամանակ հիվանդ վորդեր հայտնաբերելու դեպքում անհապաղ առանձնացնել առողջ վորդերը, ամեն ոք փոխելով փոսները և դրա հետ միաժամանակ հայտնել շրջանային հրահանգչին:

Փոսքը հիվանդ ու սպանված վորդերի հետ միասին զգուշությամբ հավաքել զամբյուղների կամ մեշտիկի կտորի մեջ, անհապաղ դուրս բերել շերամատներից, այրել կամ թաղել 0,5 մետրից վոչ պակաս խոնավություն ունեցող հորի մեջ: Փոսքը փոխելիս թույլ չտալ, վորպեսզի վորդերն ընկնեն հատակին: Վարակված դարակները լավ մաքրել և լվանալ տաք մոխրաջրով: Ուժեղ վարակման դեպքում առողջներն առանձնացնել և փոխադրել ուրիշ շենք: Հիվանդ վորդերը հավաքելուց հետո ձեռքերն անպայման լվանալ սապոնով:

Արգելվում է հիվանդ ու մեռած վորդերով կերակրել ընտանի թռչուններին, ինչպես և վարակված շերամատներից անցնել չվարակվածը:

19. Կերի զամբյուղների մեջ չի կարելի դնել հանած փոսքը, այդ պատճառով պետք է ունենալ վաղորոք պատրաստած մեշտիկներ կամ զամբյուղներ: Փոսքը դուրս տանելու և կեր բերելու համար այդ տարան պահել առանձին:

20. Փոսից հանված ճյուղերն արգելվում է պահել շերամատների մոտ:

ՇԱԽՆԵՐ, ԲՈԺՈԺՆԵՐԻ ՀՅՈՒՍԵԼՆ ՈՒ ԲԵՐՔԱՀԱՎԱՔԸ

1. Շախերը պատրաստել զեղնածաղկից, կղըլ չոփից, սպիտակ առվույտից, սալմայից, տյուրֆակից և հոտ չունեցող ու չծակող ուրիշ խոտերից:

Շախերի պատրաստումը կատարել 4-րդ հասակի վերջերին և չորացնել ստվերում: Չորացնելուց հետո շախերից փնջեր կապել: Շախերի համար չի կարելի ոգտագործել ծառերի տեսակների ճյուղերը, բացառությամբ այնպիսի շրջաններից, վորտեղ 10 կիլոմետր տարածությամբ չկան խոտեր:

2. Բոլոր դեպքերում արգելվում է շախերի ոգտագործումը կարողալի ճյուղերից և կերակրման փուլներից մնացած թթենու ճյուղերից: Շախերի բարձրութունը 1 մետրից ավել չպետք է լինի:

3. Ժամանակին դասավորել շախերը և թույլ չտալ, վորպեսզի վորդը շախ փնտրելով կորցնի մետաքսը կամ բոժոժ հյուսի փուլի մեջ:

4. Շախերի դասավորումը դարակների վրա կատարել 5-րդ հասակի 9-10-րդ որը հավասարաչափ շարքերով, ցից դրած շարքերի միջև թողնելով 0,3 մետրից վոչ պակաս տարածութուն՝ բոժոժ չհյուսող վորդերի կերակրումը շարունակելու համար:

Վորդերը բոժոժ հյուսելիս արգելվում է շախերը ծածկել վորևե բանով:

5. Բոժոժ չհյուսող վորդերի կերակրումը շարունակել պարտադիր կերպով: Կերը զգուշությամբ նետել տերեվով կամ մանր ընձյուղներով, բոժոժ հյուսող վորդերին չանհանգստացնելու համար:

6. Բոժոժը շախերից հավաքել վորդերը մասսայականորեն շախ բարձրացնելու 9 որից վոչ շուտ հրահանգչի թույլտվությամբ:

7. Բոժոժի բերքը շախերից հավաքելիս բոժոժները մաքրել և միաժամանակ բժավոր և կիսահյուսած բոժոժներն անհապաղ ջոկել: Խոտանված և սել չխար բոժոժը գնման կայանին հանձնել առանձին:

8. Բոժոժը շախերի վրա բոժոժ հավաքելու ժամանակ և հավաքած բոժոժը պահել ստվերում:

9. Բոժոժը հանձնել գնման կայանին շախերից հավաքելու մոմենտից մի որից վոչ ուշ:

Բոժոժը տանել գնման կայան կողովների մեջ: Մի քթոցի մեջ 30 կիլոգրամից ավելի բոժոժ չպետք է լինի:

ԹԹԵՆՈՒ ՈԳՏԱԿՈՐԾՈՒԹԸ

1. Առաջին և յերկրորդ հասակի համար քաղել բնի վրա բսած ընձյուղների և կողքի ճյուղերի տերեվները մինչև գագաթը:

3-րդ հասակի համար կտրել բնի բոլոր կողքերի ճյուղերն ու ընձյուղները մինչև գագաթի ձևավորման տեղը:

Կողքերի ճյուղերի և ընձյուղների տերեվը չբավականացնելու դեպքում, վորդերը մինչև 3-րդ հասակի վերջը կերակրելու համար թույլատրվում է ոգտագործել ինչպես գագաթի տերեվները, նույնպես և ընձյուղները, բաց յուրաքանչյուր ճյուղի $\frac{1}{3}$ մասից վոչ ավելի, այդպիսիները կտրելով ներքևից վերև:

Վորդերը 4-րդ և 5-րդ հասակներում կերակրելիս թթենու ծառերն ոգտագործել այնպես, վորպեսզի ծառի վրա չմնա վոչ մի տերեվ, մինչև վոր մի ծառի տերև լիովին չոգտագործվի, չանցնել ուրիշ ծառի տերեվի ոգտագործմանը:

3. Կոլտնտեսություններում կամ առանձին շերմապահների մոտ թթենու բարձրաբուն ծառեր, թույլաչառներ, խիովաններ լինելու դեպքում՝ վերջիններին տերեվներն ոգտագործել առաջին 3 հասակում վորդերին կերակրելու համար:

Խիովաններից տերեվը քաղել առանց խաղողի վագները փչացնելու:

4. Թթենու իգական տեսակներն ոգտագործել առաջին հերթին: Անձրեվոտ և ցուրտ գարնան, այն շրջաններում, վորտեղ ճյուղերի փտախտ (սոլմա) հիվանդություն կա, առաջին հերթին ոգտագործել թթենու արական տեսակների տերևը:

5. Թթենու յերիտասարդ բազմաբուռնցք ձևվի

ծառերի տերեփն ոգտագործելիս վորդերին 4-րդ հասակում և 5-րդի սկզբներին կերակրելու համար, առաջին հերթին կտրել բոլոր ավելորդ ընձյուղները բոռնցքի հիմքի մոտից, թողնելով հիմնական ճյուղերը: 5-րդ հասակի վերջում մնացած բոլոր ճյուղերը կտրել ողակաձեւ՝ գազաթի համար թողնելով 25-30 սանտիմետր:

6. Ջահելացման յենթակա ծառերը կերակրելու ժամանակ ոգտագործել լիովին և առաջին հերթին:

7. Ճյուղերը կտրել ողակաձեւ՝ կտրելու տեղերում թույլ չտալով վոչ մի ծռում, այլ և չկոտրել ճյուղերը և չպոկել կեղեր:

Ճյուղերը կտրել այգու դանակով, այգու մկրատով, այգու սղոցով և ցակատով:

ԱՄԱՌԱՅԻՆ ՅԵՎ ԱՇՆԱՆԱՅԻՆ ԿԵՐԱԿՐՈՒՄ ՇԵՆՔԵՐԻ ԸՆՏՐՈՒԹՅՈՒՆԸ ՅԵՎ ՆԱԽԱՊԱՏՐԱՄ- ՏՈՒՄԸ

1. Ամառը և աշնանը կերակրվող վորդերի համար հատկացվող շենքը պետք է լինի հիմնական տիպի, այսինքն՝ բնակելի շենքեր և ախոռներ կամ յերկու կողմերից կավով սվաղած (ներսից ու դրսից, վորտեղ կարելի չէ պահպանել պահանջվող ջերմաստիճան) շերամատներ:

Շենքերը պետք է լինեն մաքուր և ողափոխման համար հարմարեցված: Աշնան կերակրումների ժամանակ, ցուրտ լինելու դեպքում, վառարաններ դնել:

2. Կատարել ամառային և աշնան կերակրման համար հատկացված շենքերի ուշագիր մաքրումը, ախտահանումն ու լվացման յենթարկել նաև ամբողջ դուլքն ու դարակները: Չախտահանված նյութերն ու գույքը շերամատներում պահելն արգելվում է:

3. Ամառային և աշնանային կերակրման ժամանակ արգելվում է վորդերի կերակրումը չարդախնե-րում և թեթեւ տիպի չսվաղած շերամատներում:

ՎՈՐԴԵՐԻ ԿԵՐԱԿՐՈՒՄԸ

1. Ամառն ու աշնան կերակրվող վորդերի համար կերակրելու տարածություն նույնպես, ինչպես և գարնան կերակրման ժամանակ, այսինքն 5-րդ հասակի համար 25 գրամանոց մեկ տուփ շերամի սերմին պետք է լինի 40 քառ. մետր:

2. Շենքերի ջերմաստիճանը պետք է լինի 24-25 աստիճան: Ջերմաստիճանը բարձրանալու դեպքում դռների ու պատուհանների բացվածքները ծածկել թաց վարագույրով, շերամատների շուրջը հողը թաց անել, իսկ յերեկոյան դեմ և վաղ առավոտյան պատուհաններն ու դռները պահել բաց, առանց վարագույրի:

Ջերմությունը ցածրացնելու դեպքում (աշնան կերակրման ժամանակ) վառարանները վառել և ջերմությունը պահպանել 23 աստիճանից վոչ ցածր:

3. Վորդերին կերակրել որական 10 անգամից վոչ պակաս (այդ թվում 2 անգամ գիշերը): Առաջին հասակների համար քաղել յերիտասարդ ու քնքույշ տերևները: Վերջին հասակներում կերակրել տերեւով կամ մանր տերեւածածկ ընձյուղներով:

4. Փոռցի փոխարինումը կատարել մի անգամից վոչ պակաս առաջին յերեք հասակների համար և 2 անգամից վոչ պակաս վերջին հասակների համար:

5. Վորդերի կերակրումը պարտադիր կերպով կատարել դարակների վրա՝ գործադրելով փոռց և ծակոտկեն թուղթ:

6. Կերակրման ժամանակ արգելվում է նախորդ

կերակրումներին ոգտագործված փոսային և ծակոտ-
կին թղթի ոգտագործումը:

7. Շերամատներն ամեն որ ավել թաց ավելով:
ՏԵՐԵՎԻ ՔԱՂՈՒՄՆ ՈՒ ՊԱՀՊԱՆՈՒՄԸ ԿՐԿՆԱԿԻ
ԿԵՐԱԿՐՄԱՆ ՀԱՄԱՐ

1. Տերեվը քաղել զով ժամանակ:

2. Վորգերի առաջին հասակների կերակրման հա-
մար տերեվները քաղել կողքերի ընձյուղներից, իսկ
չբավականացնելու դեպքում՝ գազաթի մատաղ ընձ-
յուղներից, ընձյուղների վրա պարտադիր կերպով
թողնելով վերեվի 4—5 տերեվները:

3. Վորգերին 4-րդ և 5-րդ հասակներում կերակ-
րելու համար քաղել այն ծառերի տերեղ, վորոնք գար-
նանը չեն շահագործվել:

4. Գարնանը շահագործված թթենու տերեղ քաղելիս
ճյուղերը չի կտրելի կտրել. այդ դեպքում տերեվը
պոկել կամ ընձյուղներից հավաքել բնի վրայի ընձյուղ-
ները կտրելու միջոցով, կամ կտրել գարնանը կտրե-
լուց հետո գոյացած խիտ գազաթի ավելորդ ընձյուղ-
ները:

5. Աշնան կերակրման վերջում թույլատրվում է
պոկոտել ընձյուղների տերեվները: Պոկոտումը կա-
տարել զգո շությամբ, չթույլատրելով կեղևի և չբաց-
ված բողբոջների պոկումը:

6. Այն ծառերից, վորոնք գարնանը չեն շահագործ-
վելու, թույլատրվում է ճյուղերը կտրել միջան
ամառային կերակրումների համար:

7. Գարնանը չոգտագործված թոխմաշարներից տե-
րեվն ոգտագործել ամառային կերակրումների համար
բնիկի և գազաթի ճյուղավորման հիմքի մոտից ողա-
կաձեվ կտրելով տերեվակալած ճյուղերի բոլոր ընձ-
յուղները:

8. Թոխմաշարների 2-րդ շահագործման դեպքում
տերեվները պոկոտել աճող ճյուղի ստորին մասից,
առանց վերին մասին ձեռք տալու:

9. Հավաքած տերեվները լվանալ մաքուր հոսող
ջրի մեջ (առվակներում) կամ ջրհորի (քյահրիզի) ջը-
րով, լվանալուց հետո տերեղ լավ թափ տալ և չորաց-
նել միջանցանովում:

10. Հավաքած տերեղ պահել հարմար, մուխ
շենքում, լցնելով բարդանների կամ կոզոջների մեջ
10 սանտիմետրից վոչ ավելի հաստություն ունեցող
շերտով:



ՀՀ Ազգային գրադարան



NL0293995

22.892

9/11/11 4 10 4.

мф /
911 2

347

АГРОПРАВИЛА

ПО ЧЕРВОКОРМЛЕНИЮ НА 1938 год.

AZƏRNƏŞR
Kənd-təsərrüfat şöbəsi
Bakı — 1938